

**KANTONALNA
PRIVREDNA
KOMORA TUZLA**

**BROJ 7 i 8/18,
juli/avgust
2018. godine**



KOMORSKI INFORMATOR



**PREDSTAVLJAMO FIRME
ČLANICE KOMORE -
"VATROSTALAC" D.O.O. TUZLA**



**EKSKLUZIVNI "DOM ZA
STARIJA LICA – HOTEL
AHMEDIĆ"**



**VOLKSWAGEN SERVICE
QUALITY AWARD PO PETI PUT
ZA NIPEX**



**LED DISPLAY NA ZGRADI
KOMORE - NOVA USLUGA
ČLANICAMA I FIRMAMA U TK**



Komorski informator

Uvod

Poštovani čitaoci!



Protekla dva mjeseca su karakteristična po brojnim aktivnostima vezanim za firme članice Komore. Koliko čudi toliko i raduje taj podatak, jer obično u jeku sezone godišnjih odmora pišemo, konstatujemo kako je sve utihnulo zbog ljetnih odmora, vrućina, kako su smanjene aktivnosti.

I Vlada Tuzlanskog kantona je aktivnio sudionikonoga što se dešavalo u privrednim subjektima na području našeg kantona a koji su, s ponosom to uvijek ističemo, značajne firme članice Komore.

Predstavnici Kantonalne privredne komore Tuzla i Privredne komore Federacije BiH, upriličili su zajedničku posjetu fabrici Soda Sisecam iz Lukavca.

Sagledani su problemi u poslovanju, razmatrane trenutne aktivnosti, planovi za naredni period, ponuđena pomoć u realizaciji određenih projekata. Tih dana su i predstavnici Vlade TK bili na istom mjestu, izrazili brigu za sanaciju „Bijelog mora“ i dobili informacije i o aktivnostima koje se vode na prevenciji budućih incidenata.

Iako Rudnici nisu u nadležnosti Vlade TK ali u njima su zaposleni žitelji ovog kantona, vlada je iskazala spremnost da pruži pomoć i podršku tamo gdje je to moguće.

Njena ekselencija Maureen Cormack ambasadorica Sjedinjenih Američkih Država u BiH, posjetila je Termoelektranu „Tuzla“, razgovaralo se o aktivnostima vezanim za izgradnju Bloka 7.

Novi vlasnik pogona Fabrike obuće „Aida u stečajju“ iz Tuzle najavljuje bolje dane za ovu fabriku, ugovara nove poslovnih aktivnosti, planira uvođenje nove dvije linije.

Naša članica, firma „Nipex“ Tuzla, po peti put u nizu se okitila prestižnom nagradom za kvalitet „Volkswagen Service Quality Award“ (VSQA).

Iz Rudnika soli Tuzla poručuju kako su se riješili se dugova, osavremenili opremu i povećali plaće radnicima.

S ponosom u ovom broju komorskog lista predstavljamo naše članice, uspješne firme „Vatrostalac“ Tuzla i Ekskluzivni „Dom za starija lica – Hotel Ahmedić“.

Iz sadržaja izdvajamo i nekoliko vijesti iz privrede BiH, iz Vanjskotrgovinske komore BiH, reagovanje Marka Šantića predsjednika Privredne komore FBiH a Komorski informator za period juli/avgust donosi i najavu sajamskih aktivnosti za septembar...

Dino Kalesić
gl. i odg. urednik

Komorski informator

Sadržaj

KANTONALNA PRIVREDNA KOMORA TUZLA

KOMORSKI INFORMATOR
BROJ 7 i 8/18,
juli/avgust
2018. godine

IZDAVAČKI SAVJET:

1. Nedret Kikanović, član
2. Mirsad Kukić, član
3. Bajazit Jašarević, član
4. Suad Selimović, član
5. Nurudin Žunić

REDAKCIJSKI KOLEGIJ:

1. Nedret Kikanović, član
2. Almir Mešić, član
3. Nurudin Žunić, član
4. Suad Selimović, član

IZDAVAČ:

Kantonalna privredna
komora Tuzla

GL. I ODGOVORNI UREDNIK:

Dino Kalesić

TEHNIČKA PRIPREMA, REPRO I ŠTAMPA:

GRIN d.o.o. Gračanica

ZA ŠTAMPARIJU:

Adnan Imerović, direktor

TIRAŽ:

500 primjeraka.

ADRESA:

Trg slobode bb
e-mail: kpktz.ba@bih.net.ba
<http://www.kpktz.ba>

	LED DISPLAY NA ZGRADI KOMORE - NOVA USLUGA ČLANICAMA I FIRMAMA U TK	4
	POSJETE KOMPANIJI SODA SISECAM IZ LUKAVCA	5
	VLADA TK ŽELI PRUŽITI POMOĆI PODRŠKU KREKI	6
	BLOK 7 U TE TUZLA U POGONU BI TREBAO BITI 2023. GODINE	7
	KUPAC "AIDE" UVODI NOVE LINIJE	8
	VOLKSWAGEN SERVICE QUALITY AWARD PO PETI PUT ZA NIPEX	9
	PREPOROD RUDNIKA SOLI TUZLA	10
	DOGOVOREN IZVOZ 17.500 TONA TUZLANSKE SOLI	11
	„VATROSTALAC“ D.O.O. TUZLA	12 i 13
	EKSKLUZIVNI "DOM ZA STARIJA LICA – HOTEL AHMEDIĆ"	14 i 15
	FABRIKA CEMENTA LUKAVAC SA 3,2 MILIONA KM NETO DOBITI	16
	PRIVREDNA KOMORA FBIH NIJE ODGOVORNA ZA NEUSPJEH PROIZVODNJE SMILJA	17
	NAKON AUSTRIJE I HRVATSKE PODRŠKA VTK/STK BIH I OD NJEMAČKE	18




Led display na zgradi Komore...

Nova usluga članicama i firmama u TK



Poštovani, Led digitalno oglašavanje, u poređenju s tradicionalnim medijima oglašavanja, poput billboarda, čijeg se sadržaja jedva sjeti manji od 40 posto gledatelja, u zadnje vrijeme ima velike prednosti. Osim mogućnosti višestrukog reklamiranja jednog oglašivača na istom mediju, dokazano je da su pokretne reklamne poruke daleko više privlačnije nego statične reklame. Obavještavamo vas da je Kantonalna privredna komora Tuzla u prilici ponuditi vam oglašavanje na našem led display po povoljnim uslovima.



**POSTANITE PARTNER KANTONALNE
PRIVREDNE KOMORE TUZLA!!!
OGLASITE SE NA NAŠEM LED
DISPLAY PROSTORU!!!
ISKORISTITI IZUZETNO POVOLJNE
GODIŠNJE I ŠESTOMJESEČNE
PONUDE!!!
POSEBNE POGODNOSTI ZA FIRME
ČLANICE KOMORE!!!
Kantonalna privredna komora Tuzla
Kontakt osoba: Dino Kalesić
mob: 061/164-311
tel: 035/369-562
mail: dino@kpktz.ba
POSJETITE NAS! DOĐITE DA SE
DOGOVORIMO!!!**



Posjete kompaniji Soda Sisecam iz Lukavca...

Predstavnici komora u firmi Sisecam



Predstavnici Kantonalne privredne komore Tuzla i Privredne komore Federacije BiH, upriličili su zajedničku posjetu fabrici Soda Sisecam iz Lukavca. SSL je jedna od rijetkih kompanija u Bosni i Hercegovini koja posjeduje EN ISO 50001:2011 standard o energetske učinkovitosti u industriji. Delegaciju komora su primili Nihad Akeljić izvršni direktor kontrole, ekologije, zaštite i zdravlja i Majda Čakarić Obrenović inženjer za ekologiju. Gosti iz komorskog sistema Federacije i Tuzlanskog kantona, upoznati su sa standardom, načinom uvođenja te načinom na koji je ovaj standard doprinio smanjenju potrošnje energije, unaprjeđenju proizvodnje i smanjenju štetnih emisija. Nakon prezentacije, upriličen je obilazak određenih kontrolnih tački u proizvodnom procesu koje se odnose na standard. Razgovarano je i o problemima s kojima se SSL susreće kao i o budućim planovima, posebno po pitanju rekultivacije, rješavanja problema bijelog mora i ostalim pitanjima koja se odnose na zaštitu okoliša. Predstavnici Kantonalne i Federalne komore ponudili su pomoć kod realizacije projekata, posebno kada je u pitanju komunikacija sa resornim ministarstvima i drugim tijelima kako bi se ovi projekti mogli što brže realizovati.

Briga za sanaciju „Bijelog mora“ i prevenciju budućih incidenata



Sagledavanje situacije u vezi sa incidentom izlivanja sadržaja iz taložnice „Bijelo more“ u Lukavcu, te informisanje o aktivnostima koje se trenutno provode u cilju sanacije ali i prevencije da se slična situacija ne bi ponovila, bile su teme sastanka delegacija Vlade Tuzlanskog kantona, Općine Lukavac i kompanije Soda Sisecam iz Lukavca. Kako je istaknuo premijer Suljkanović, Vlada, iako nema pravnu nadležnost u ovoj situaciji, s aspekta sigurnosti građana i zaštite životne okoline zainteresirana je za provođenje aktivnosti sanacije i prevencije. „Nadležni inspekcijski i pravosudni organi vode procese u vezi sa incidentom iz aprila mjeseca ove godine, a Vlada, osim informacije Agro - pedološkog zavoda i Agencije za vodno područje rijeke Save, nema informacija dokle su procesi stigli i u kojem smjeru se situacija odvija“, rekao je premijer Suljkanović.

Iznenadjenje sporošću provođenja ovih procesa nije krio ni generalni Direktor SISECAM Soda Lukavac Sefa Ōzincegedik. „Građani ne treba da budu zabrinuti za eventualno namirenje štete, ali moramo sačekati da nadležni organi donesu svoje ocjene i odluke, pa ćemo nakon toga krenuti u procese naknade štete“, rekao je direktor Ōzincegedik i dodao da se sporna taložnica od dana incidenta više ne koristi, „zatvorena je pukotina, ojačani su svi drugi zidovi na svim taložnicama, a nadležne institucije rade na ispitivanju kvaliteta zidova taložnica“. Također, Direktor je rekao da Soda već radi na realizaciji projekta prelaska na novi sistem upravljanja otpadom, što će rezultirati zatvaranjem taložnica „Bijelo more“. S tim u vezi direktor je od Vlade zatražio pomoć da se procesi ubrzaju i omoguću brža realizacija ovog projekta. Premijer Suljkanović i ministri su izrazili volju i spremnost da u skladu sa mogućnostima i nadležnostima kantonalnih institucija pomognu bržu realizaciju ovog projekta. Načelnik Općine Lukavac Edin Delić je izrazio zahvalnost Vladi Tuzlanskog kantona za sazivanje ovog sastanka, iskazivanje brige, ali i htjenja da se slični incidenti u budućnosti preveniraju, te pomogne Sodi da prevaziđe probleme s kojima se susreće.

D.K.



Delegacija Vlade u radnoj posjeti Rudnicima „Kreka“...

Vlada TK želi pružiti pomoći podršku Kreki

Direktor Društva Osman Bleković: „Problemi o kojima smo razgovarali nisu nerješivi. Ja se ovom prilikom želim zahvaliti Kantonalnoj vladi što ima razumijevanja za Rudnike „Kreka“



Delegacija Vlade Tuzlanskog kantona, predvođena premijerom Kantona Jakubom Suljkanovićem upriličila je radnu posjetu Rudnicima „Kreka“ Tuzla. Cilj je bio da se, iako Kantonalna vlada nema direktnu nadležnost nad poslovanjem Rudnika, analiziraju izazovi i poteškoće s kojima se Rudnik i druga privredna društva, koja su „naslonjena“ na poslovanje Rudnika, susreću u svom radu. „Iako Rudnici nisu našoj, nego direktnoj nadležnosti federalnih institucija, sa aspekta i činjenice da u Rudnicima i drugim privrednim subjektima rade građani Tuzlanskog kantona i da poslovanje ovih privrednih društava direktno pogađa i tiče se naših građana, mi smo danas došli da vidimo gdje to mi kao Vlada možemo pružiti pomoć i podršku“, rekao je premijer Suljkanović.

Akcentat razgovora bio je na aktivnostima Sode Sisecam iz Lukavca u pogledu zbrinjavanja njihovog tehnološkog otpada, tzv. „Bijelog mora“, a što je izazov na koji se odgovor pokušava naći u saradnji sa Rudnicima. Također, nezaobilazna tema bile su i koncesije, odnosno rješavanje pitanja dugovanja koja Rudnici imaju po ovom osnovu.



„Nažalost male su, skoro nikakve, nadležnosti koje mi imamo u pogledu ovog ekološkog pitanja i zbrinjavanja tehnološkog otpada, s obzirom da okolišne dozvole i saglasnosti daju federalne institucije, a i inspekcijски nadzor je u nadležnosti federalnih inspekcija. Ipak, mi ćemo u narednom periodu nastojati održati određene sastanke, i sa predstavnicima Elektroprivrede, a ako bude trebalo uključit ćemo i nadležna federalna ministarstva, kako bi smo neke procese otkočili i pomogli i Rudnicima i Fabrici sode, ali i drugim privrednim društvima koji su vezani uz poslovanje Rudnika“, zaključio je premijer Suljkanović.

Kada je u pitanju onaj dio direktni dio odnosa kojeg Rudnici imaju prema Vladi, a koji se odnosi na plaćenje koncesionih naknada i zdravstvenog osiguranja radnika, tu je, u proteklom periodu došlo do poboljšanja odnosa.

„Vlada konstantno poduzima određene aktivnosti i donosi određene odluke. Reprogramiranje obaveza koje Rudnici imaju prema kantonalnim fondovima su oblik pomoći kojeg Vlada pruža Rudnicima da prevaziđu poteškoće u svom poslovanju. Mi na Rudnike gledamo kao na društveno odgovornu kompaniju i kompaniju od velikog značaja za čitav privredni i elektroenergetski sektor, te će, u tom smislu, i u narednom periodu Rudnici imati posebno mjesto“ rekao je premijer Suljkanović.

„Problemi o kojima smo razgovarali nisu nerješivi. Ja se ovom prilikom želim zahvaliti Kantonalnoj vladi što ima razumijevanja za Rudnike „Kreka“ koji su veliki dužnik i prema Zavodu zdravstvenog osiguranja i prema budžetima u smislu naknada za koncesije“ rekao je direktor Društva Osman Bleković.

Osim premijera sastanku su prisustvovali ministar prostornog uređenja i zaštite okolice Admir Huskić i ministar privrede Osman Puškar sa saradnicima.

D.K.



Blok 7 u TE Tuzla u pogonu bi trebao biti 2023. godine...

Dugoročno snabdijevanje toplotnom energijom Tuzle i Lukavca

Ambasadorica SAD –a NJ.E. Maureen Cormack u posjeti Termoelektrani „Tuzla“



Njena ekscelencija Maureen Cormack, ambasadorica Sjedinjenih Američkih Država u BiH, posjetila je Termoelektranu „Tuzla“. Povod za posjetu ambasadorice Cormack je upoznavanje s poslovanjem Termoelektrane „Tuzla“ i pripremnim aktivnostima za izgradnju Bloka 7 snage 450 MW. U prisustvu Bajazita Jašarevića, generalnog direktora JP Elektroprivreda BiH i Izeta Džananovića direktora TE „Tuzla“, ambasadorica Cormack je posjetila lokaciju budućeg Bloka 7, zamjenskog za blokove 1,2,3 i 4, koji će se graditi kao blok za proizvodnju električne i toplinske energije (kogeneracijski blok) visoke efikasnosti, uz primjenu savremenih tehnologija za ograničenje uticaja na okolinu. Izgradnjom Bloka 7 TE „Tuzla“, čija je planirana godišnja proizvodnja 2.739,81 GWh električne i 390,9 GWh toplotne energije, obezbijedit će se dugoročno snabdijevanje toplotnom energijom gradova Tuzla i Lukavac, te perspektivno Živinica i drugih. Tokom obilaska lokaliteta, ambasadorica Cormack se upozнала sa aktuelnim pripremanjima za početak izgradnje Bloka. Prema planiranoj dinamici Blok 7 bi u pogonu trebao biti u toku 2023. godine. Rok za izgradnju je 56 mjeseci, a probni rad traje 6 mjeseci. Posebno je istaknuta opredjeljenost JP Elektroprivreda BiH za korištenje najviših ekoloških standarda prilikom izgradnje, koji će osigurati da emisija polutanata bude ispod dozvoljenih graničnih vrijednosti, propisanih direktivama Evropske unije. Izgradnjom Bloka 7 Bosna i Hercegovina će dobiti savremeni proizvodni pogon za pouzdano snabdijevanje postojećih i budućih kupaca električne energije, te povećanje pouzdanosti elektroenergetskog sistema F BiH i BiH. U razgovoru sa rukovodstvom kompanije ambasadorica Cormack je ukazala na značaj investicija JP Elektroprivreda BiH za elektroenergetski sistem BiH, doprinos njegovoj stabilnosti i integritetu. Uz podršku Bloku 7, ambasadorica Cormack je istakla važnost primjene najviših ekoloških standarda koji će doprinijeti unapređenju kvaliteta života lokalne zajednice.



Osim o Bloku 7, razgovarano je o projektima u oblasti ekologije za čije finansiranje TE „Tuzla“ izdvaja višemilionska sredstva. Direktni efekti-rekonstrukcije postrojenja za sagorijevanje, zamjene elektrofiltera za smanjenje emisije prašine, rekonstrukcije sistema za transport i odlaganje produkata sagorijevanja, izgradnje sistema za zatvaranje povratnih voda sa odlagališta produkata sagorijevanja i drugih investicija su značajno smanjenje negativnih uticaja Termoelektrane „Tuzla“ na zrak, vodu i tlo. Za ilustraciju mogu poslužiti podaci da su emisije čvrstih čestica u zrak u 2017. godini za 78 procenata manje u odnosu na 2010. godinu i zagađenje vode za 97 procenata manje u odnosu na 2014.godinu.

D.K.



Kupac "Aide" uvodi nove linije... Nova zapošljavanja!!!

Ugovaranje poslovnih aktivnosti – Uvođenje nove dvije linije – vlasnici svega u krugu firme



preselio 230 radnika, a danas zapošljavaju njih oko 310, uz stalno angažovanje između 400 i 500 kooperanata. „Intrala BH indirektno zapošljava oko 800 radnika. Međutim, našu nekadašnju fabriku Boxmark, koju smo mi praktično izgradili, kupio je naš poslovni partner i odlučio da uđe na tržište BiH, preuzimajući i poslovnu zgradu sa 230 radnika. Ta kompanija sada zapošljava već oko 500 radnika, a sve ovo je, možemo slobodno reći, rezultat poslovnih aktivnosti Intrala BH“, dodao je u izjavi za Oslobođenje Šehović.



Novi vlasnik pogona Fabrike obuće "Aida u stečaju" iz Tuzle, nakon kupovine za 3,5 miliona KM, firma je Intrala BH, koja je sve vrijeme stečajnog postupka u "Aidi" iznajmljivala proizvodne hale i održavala vlastitu proizvodnju obuće. Ukupnu sumu od 3,5 miliona KM, plus porez od 175 hiljada KM, Intrala BH je već uplatio, a od formalnog preuzimanja vlasništva sada ih samo dijeli nekoliko sudskih rješenja.

Kako je za Oslobođenje kazao direktor Intrala BH Alija Šehović, kupovina proizvodnih hala, ali i svih drugih objekata u krugu nekadašnje "Aide" u Tuzli, omogućit će sigurnije poslovanje i planiranje daljih ulaganja.

„Ovo donosi jednu stabilnost, pa ćemo sad sigurno intenzivnije krenuti u ugovaranje poslovnih aktivnosti, s obzirom na to da više nismo pod pritiskom. Sigurno će doći do povećanja poslovnih aktivnosti, a pojačavamo i pregovaranje o kapacitetima postojećih poslova. Uvodimo i nove dvije linije koje su rezultat naučnoistraživačkih projekata, koje će značiti i novih između 40 i 60 radnika, a pojačat ćemo i aktivnosti sa kooperantima“, kazao je za Oslobođenje Šehović.

Intrala BH se praktično od pokretanja stečajnog postupka, tačnije od januara 2016. godine, kada je ušao u proizvodne hale "Aide", nametao kao najozbiljniji kupac, ali s obzirom na to da im nisu priznata ulaganja u proizvodne hale, koja, prema njihovim tvrdnjama, iznose i milion KM, pokušavali su naći način da se ta ulaganja priznaju. Na kraju, ipak, od toga nije bilo ništa, pa je Intrala BH poslao najbolju ponudu. „Mi smo do sada koristili oko 7.000 kvadratnih metara, ali sad smo postali vlasnici apsolutno svega u krugu tuzlanske "Aide", brojna skladišta, radnički restoran, radionice, ali sve je to praktično neupotrebljivo u trenutnom stanju, pa će i to iziskivati ulaganja“, dodao je u izjavi za Oslobođenje Šehović. Tog januara 2016. Intrala BH je u unajmljene prostorije u "Aidi"

Stečaj

Kako je Oslobođenje kazao stečajni upravnik u "Aidi" Mehmed Krajinović, većina novca koji je naplaćen od prodaje otići će za povjeroce, uglavnom za fondove, čija potraživanja naplaćuje Poreska uprava FBiH. Ovo znači da će dio nekadašnjih zaposlenika "Aide", koji su prestali raditi prije pokretanja stečajnog postupka i koji nisu obuhvaćeni programom Vlade TK-a za uvezivanje zaostalog radnog staža, dobiti dio neuplaćenog staža. Možda čak bude novca i za dio plata. „Vjerovatno će biti novca i za izmirenje obaveza za neto plate uposlenicima za posljednjih osam mjeseci. Neće biti dovoljno da se isplati svih osam mjeseci, za to bi trebalo oko milion KM, ali bit će nekoliko plata. Sve to će biti izmireno kada se završi vještačenje, koje će sud naložiti, kako bi se znalo kako tačno uraditi diobu sredstava od prodaje“, kazao je Oslobođenju Krajinović. S prodajom tuzlanskog postrojenja "Aide" rasprodato je sva imovina ovog nekadašnjeg giganta. Kada se okončaju svi pravni postupci vezani za stečajni postupak, on će biti i zaključen. Stečajni postupak u "Aidi" je pokrenut krajem 2015. godine, nakon čega je Vlada TK-a prvo potpisala, a potom i u naredne tri godine realizovala sporazum o uvezivanju radnog staža za radnike zatečene u vrijeme stečaja.



Vijesti iz firmi članica Komore...

Volkswagen Service Quality Award po peti put za NIPEX

Volkswagen AG je i ove godine odabrao i nagradio svojih 100 najboljih evropskih servisnih partnera sa prestižnom nagradom za kvalitet "Volkswagen Service Quality Award" (VSQA).



Nagrade su dodjeljene servisnim radionicama koje su u 2017. godini imale najbolju kvalitetu servisne usluge i najbolje rezultate u segmentu vezivanja kupca i njegovog zadovoljstva. U konkurenciji za dodjelu nagrada nalazi se preko 6.000

servisnih radionica iz cijele Evrope. Predstavnik Volkswagen AG, gospodin Jens Metzner je na Jahorini, na radnom sastanku Volkswagen ovlaštene mreže trgovaca, dodijelio plakete za ostvareni rezultat u 2017. godini. „Mi smo prvi put odabrani u Top 100 najboljih 2011. godine, zatim 2014. i 2015. godine, nakon čega smo dobili svoje počasno mjesto u Volkswagen kući slavnih - Hall of Fame. To mjesto smo učvrstili 2016. godine kad smo po četvrti put odabrani u Top 100 najboljih servisa. Naša orijentacija prema kupcima i svakodnevni rad na tome da kupci budu zadovoljni ponovo je pokazala dobre rezultate i po peti put smo dobili ovu prestižnu nagradu. Naša pozicija u Volkswagen kući slavnih sada je dobila jednu novu dimenziju. Nalazimo se među prvih deset Evropskih servisa koji su ovu nagradu dobili pet, odnosno šest puta. Naš cilj je da našom ponudom i kvalitetom usluge nadmašimo očekivanja naših kupaca, jer zadovoljan kupac koji se vraća u naš servis i koji nas preporučuje svojim prijateljima i poznanicima je najveće priznanje za naš rad.“ – istakao je Saša Nišandžić, rukovodilac postprodaje u Nipexu. Hvala našim kupcima i korisnicima usluga. Hvala našim uposlenim, ovo su njihovi rezultati i njihova zasluga, poručuju iz Nipexa.

Zadruga koje hrane stotine porodica...

"Gračanka" prvu klasu krastavaca izvozi u Njemačku

Iz USAID/Sweden Farma 2 projekta saopćeno je da radnici zemljoradničke zadruge "Gračanka" izvoze prvu klasu krastavaca na njemačko tržište.

Dodaju da se selekcija kornišona, krastavaca koji odgovaraju za kišljenje i spremanje zimnice, pažljivo vrši u hladnjačama zadruge.



Direktor zadruge Rasim Husić rekao je da "Gračanka" ima više od 1.000 članova, a uz to i kooperante koji nisu registrovani članovi.

„Ponosni smo na posao koji smo napravili. Radimo na certificiranoj proizvodnji zdrave hrane, saradujemo sa

kooperantima širom regije - pratimo ih u proizvodnji kroz sve faze. Jednostavno, kao zadruga im pomažemo od biznis planova, do tehnologije, te im pružamo razne vrste podrške, uključujući povezivanje sa bankama“, kazao je Husić.

Zadruga pokriva nekoliko sektora, između ostalog mlijeko, povrće i voće, te peradarstvo. Kroz USAID/Sweden Farma 2 su u posljednjim aktivnostima osigurane muzilice za 102 farmera u zadrugi, koja je pomogla jačanju mreže farmera. "Gračanka" danas ima 32 otkupne stanice u regiji, te širi svoju mrežu. "Od USAID/Sweden Farma 2 projekta smo dobili muzilice, suđe i kante za više od 100 proizvođača mlijeka. Tražimo kvalitet, pokrili smo s ovim brojne farmere. Imamo sa njima ugovore, te na fer osnovama saradujemo i osiguravamo priliku da prodaju svoje proizvode, podignu kvalitetu i daju rastu“, naveo je Husić. Velike zadruge u Bosni i Hercegovini hrane čitave zajednice, a poručuju da je ključ opstanka u "diverzifikaciji". Od najmanjeg zemljoradnika ili farmera do velikih grupacija, niko nema "luksuz" da se osloni na samo jednu vrstu proizvoda ili na jedno tržište, saopćeno je iz USAID/Sweden Farma 2 projekta.



Preporod Rudnika soli Tuzla...

Riješili se dugova, osavremenili opremu i povećali plaće radnicima

Iz minusa prešli u dobit od dva miliona KM – Modernizacija postrojenja - Investicije od 6,5 miliona KM



Konačno su došli bolji dani za Rudnik soli Tuzla koji je godinama grcao u dugovima, a sada je spreman za obaranje ličnog rekorda u proizvodnji i ostvarenju milionskog prihoda. Nakon ispunjenja plana finansijske konsolidacije menadžment ovog preduzeća započeo je investicijske cikluse, modernizaciju proizvodnih postrojenja, poboljšanje uslova rada, ali i povećanje plaća radnicima koji rudničku kapiju danas zadovoljno napuštaju na kraju radnog vremena. Sve spomenuto u konačnici je dovelo i do povećanja obima proizvodnje, a plan za 2018. godinu premašen je još u mjesecu martu. Trenutni pokazatelji govore da će ova godina biti rekordna u obimu proizvodnje, ali i ostvarenju prihoda.

Rudnik soli Tuzla u prošloj godini zabilježio je značajne uspjehe. Dobit je iznosila više od dva miliona konvertibilnih maraka, a ostvarena je proizvodnja i isporuka slane vode u iznosu od skoro 3,4 miliona kubnih metara prema naručiocima, odnosno kompaniji Siseccam Soda Lukavac, Pannonici u Tuzli i Solani. Planirani rast proizvodnje u ovoj godini iznosi 3,5 posto, a prema riječima direktora Anisa Šaldića, Rudnik soli Tuzla u prvom kvartalu već je ostvario godišnji plan poslovanja. **“Naši rezultati pokazuju da ćemo u izvještaju za šest mjeseci ove godine imati više od milion KM pozitivnog poslovanja”,** rekao je Šaldić na početku razgovora za Klix.ba. Prije izrade Elaborata o finansijskoj konsolidaciji dugovanja tuzlanskog Rudnika soli iznosila su više od tri miliona maraka. Najviše potraživanja je bilo od Elektroprivrede BiH u iznosu višem od dva miliona KM, Zavoda zdravstvenog osiguranja više od milion KM i Zavoda za zapošljavanje skoro 150.000 KM. Svi dugovi do danas su izmireni, a Rudnik soli Tuzla se vodi kao preduzeće bez dugovanja i s pozitivnim poslovanjem. Nakon rješavanja ovog velikog problema započeta je modernizacija proizvodnog procesa. Danas ovaj rudnik raspolaže opremom koja automatski zaustavlja procese ukoliko dođe do kritičnih tačaka prilikom punjenja rezervoara slanom vodom. **“Modernizacija se direktno odnosi na proces transporta koji je ključan u rudniku, odnosno riječ je o pumpnim stanicama čiji je rad automatiziran i sada je onemogućeno**

izlivanje vode iz rezervoara, a na kritičnim tačkama zastupljeno je mjerenje pritiska. Na takav način čuvamo naše cjevovode od pucanja i nastanka mogućih šteta”, pojašnjava Šaldić. Proces rada sada se prati u kontinuitetu 24 sata dnevno, a osim što je radnicima obavljanje posla jednostavnije i lakše, osigurana je i dodatna zaštita imovine građana. Naime, uz raniju opremu znalo se dešavati da dođe do izlivanja vode iz rezervoara te plavljenja stambenih objekata i poljoprivrednih površina, zbog čega je prošle godine, na osnovu tužbi za nadoknadu štete Rudnik soli Tuzla morao izdvojiti okvirno 200.000 KM. Prema godišnjem planu, Rudnik soli Tuzla će iz vlastitih sredstava do kraja 2018. godine investirati 6,5 miliona maraka, a najveći dio će biti utrošen u otvaranje tri nove bušotine.



“U posljednje tri godine otvaramo po tri nove bušotine i takav plan je za narednu deceniju. Na ovakav način pratimo potrebe naših kupaca.

Također, planirano je i otvaranje novog proizvodnog pogona na rudnom polju Tetima”, otkriva Šaldić. Menadžment ovog rudnika započeo će i realizaciju projekta energetske efikasnosti koji će donijeti uštede do 700.000 KM.

“Ovdje je planirana modernizacija pumpnih stanica koje su veliki potrošači električne energije. Naime, trenutni motori na pumpama su starijeg tipa i planiramo ih modernizovati, odnosno na njih instalirati pogon s frekventnim upravljanjem koji će imati uštede električne energije za 30 posto, što na godišnjem nivou iznosi blizu 700.000 KM”, dodaje sagovornik portala Klix.ba, prenosi energetika.ba. Rudnik danas zapošljava 135 radnika, a s obzirom na to da određeni broj njih u narednom periodu stječe uslove za odlazak u penziju u planu je i zapošljavanje mlade radne snage. **“Prirodan odliv radne snage zbog penzionisanja nadoknadit ćemo mladim radnicima koji će nam uz modernizaciju veoma dobro doći”,** kaže Šaldić koji na kraju s ponosom ističe da će 2018. biti rekordna godina po povećanju proizvodnje i isporuci slane. Svim radnicima ovog preduzeća radni staž uredno je uvezan, a pored redovne plaće također imaju i regres te naknade za vjerske praznike.

D.K.



Saradnja BiH i Indonezije...

Dogovoren izvoz 17.500 tona tuzlanske soli



Kompanija Bawazir Group planira da uveze oko 17.500 tona soli iz Tuzle u Indoneziju u vrijednosti od 28 miliona eura, što će biti dobra poslovna, trgovinska saradnja za obje zemlje, rekla je u intervjuu za Fenu ambasadorica Republike Indonezije u BiH Amelia Achmad Yani. **“Posjetila sam “Solanu” u Tuzli. Za mene je to nevjerojatno da grad Tuzla nema more ali ima izobilje soli ispod zemlje. So je čista i izvorna sa visokom kvalitetom”,** rekla je ambasadorica Amelia Achmad Yani čiji intenzivni angažman na jačanju ekonomske saradnje dvije države bilježi značajne rezultate. Potvrdila je svoj angažman ambasadorica i organiziranjem i predsjedavanjem značajnim sastankom o usklađivanju poslovnih prilika između Indonezije i BiH a koji je održan na ovogodišnjem Sarajevo Business Forumu (SBF). **“Učestvovala je 17 kompanija iz BiH, također se pridružila kompanija Bawazir Group osnovana u Džeddi, te jedna kompanija osnovana u Njemačkoj, DKR - Njemački centar za robotiku, kao i kompanija Alchemy Capital Sarajevo čiji osnivač dolazi iz Bahreina. Bili su prisutni predstavnici odjela za bilateralne odnose Ministarstva vanjskih poslova BiH, Službe za poslove sa strancima BiH, Privredne komore Federacije BiH te Rahul Chhabra, ambasador Indije sa sjedištem ambasade u Budimpešti, Mađarskoj. Sastanku su prisustvovali i čelnici Bosna Bank International (BBI)”,** kaže ambasadorica Republike Indonezije. Naglašava kako je na sastanku bio mnogo veći broj poslovnih subjekata nego prošle godine, što kako kaže, govori o velikom interesu s obje strane i potrebi za dijalogom “jedan na jedan” između bh i indonežanskih kompanija. **“Rezultirao je sastanak narudžbama iz BiH za indonežansku kafu, dok turističke agencije započinju programe posjeta iz obje države. Indonezija je prezentovala brojne proizvode, Arabika i Robusta kafu u zrnu sa različitih mjesta u Indoneziji, kokosov šećer, cimet, brikete od kokosovih ljuski, kakao i čaj. Za turističke programe, Indonezija je održala prezentaciju “Posjetite Indoneziju”. Objje prezentacije su dobile izvrstan odjek”,** precizira ambasadorica Amelia Achmad Yani. U nastavku razgovora o razvijanju ekonomske saradnje dvije države, ambasadorica kaže da će od 24. do 28. oktobra u Džakarti biti održan Sajam trgovine (Trade Expo) te se nada dolasku privrednika iz BiH. Na pitanje u čemu je specifičnost kafe koja se proizvodi u Indoneziji, i za koju je tokom prezentacije rečeno da je izvanrednog kvaliteta (a upućeni kažu da takav kvalitet sada nije prisutan u ponudi u regionu, op.a), i čiji uvoz u BiH se očekuje ove godine, ambasadorica kaže da svaki otok proizvodi kafu. **“Za izvoz - uvoz između Indonezije i BiH, naravno najvažnija je indonežanska kafa, obje vrste, Arabika i Robusta. Plantaže kafa su skoro u svim dijelovima Indonezije, na različitim nadmorskim visinama, što utječe na ukus i jačinu kafe”,** pojašnjava ambasadorica i dodaje kako, obzirom da se u BiH kafa dosta konzumira, smatra da može biti značajan proizvod u trgovinskoj razmjeni dvije države.

Indonezija je 4. proizvođač kafe u svijetu i 2. izvoznik specijalitetne kafe u svijetu. Proizvodi 10,6 miliona vreća kafa godišnje, a 90 posto kafe u Indoneziji uzgaja se na malim farmama veličine jednog hektara. U 2017. godini, izvoz kafe je porastao 25 posto u odnosu na 2016. godinu, što je dokaz potražnje u svijetu za indonežijskom kafom koja se u uzgaja od 17. stoljeća. Indonežani su treći u svijetu, u smislu početka uzgoja kafe, nakon Etiopije i Arabije, a 1717. godine bio je prvi izvoz kafe iz Indonezije u Evropu. Značajna je i zapažena na ovogodišnjem Sarajevo Business Forumu (SBF) bila prezentacija turističkih potencijala i ponude Indonezije, koja se sastoji od 17.504 otoka, od kojih su najveći Sumatra, Java, Kalimantan, Sulawesi, Papua, te manjih otoka ili grupa otoka kao što su Bali, Zapadni Mali sundski otoci, Istočni Mali sundski otoci i Molučki otoci. Dvije trećine Indonezije,



koja ima 225 miliona stanovnika, čini vodena površina. Otok Java je jedan je od najgušće naseljenih otoka na svijetu. Skoro 80 posto stanovništva živi na otoku Java. “Broj turista iz BiH u Indoneziju iznosio je oko 930 u 2017. godini i već je u porastu od 30 posto u odnosu na 2016., a ove godine predviđamo da će se broj turista povećati za dodatnih 30 posto u odnosu na prošlu godinu, obzirom da nekoliko avio kompanija dolaze u Sarajevo i direktno lete za Indoneziju preko Dubaija, Istanbula ili Dohe. Ovo je dobar znak. Također brojni Indonežani posjećuju BiH, najviše Mostar i Međugorje. Precizni podaci nisu registrovani u našim bazama podataka jer indonežanski turisti dolaze koristeći Šengen vizu preko Evrope, kao što je Rim, Beč ili Njemačka, tako da njihovi dolasci nisu poznati našoj ambasadi”, kaže ambasadorica. Na kraju razgovora je najavila kako će u ovoj godini turističke agencije organizovati posjete BiH i Indoneziji sa detaljnijim programima po umjerenoj cijeni. Putovanje na relaciji Džakarta - Sarajevo traje 14 sati - piše Fena.

D.K.



Predstavljamo firme članice Komore...

“Vatrostalac” d.o.o. Tuzla

“Vatrostalac” d.o.o. Tuzla preduzeće specijalizovano za projektovanje, izgradnju, sanaciju i održavanje industrijskih objekata, dimnjaka, hladnjaka, silosa, tornjeva i toplotehničkih postrojenja, te radove na visinama



Prava je rijetkost danas u Bosni i Hercegovini otvoriti vrata jedne firme i odmah na pragu, na ulazu, osjetiti zadovoljstvo, mir, profesionalizam, organizovanost, sve na jednom mjestu. I u takvom tonu počinje i završava razgovor krata i ugodan razgovor sa Fuadom Mujkićem, prvim čovjekom firme “Vatrostalac” d.o.o. Tuzla.



“Mi smo zadovoljni. Radimo sve da naši klijenti budu još zadovoljniji, da ostavimo iza sebe tako završen posao da nas ponovo zovu, da nas traže i da nas preporučuju drugima. Naš profesionalizam i kvalitet su doveli do toga da se možemo pohvaliti kako imamo i kvalitetnu referencu listu i priličan broj značajnih projekata na kojima trenutno radimo a ujedno, i zavidan broj ugovorenih poslova za naredni period”, rekao je direktor Mujkić za Komorski informator. “Otvoreni smo za saradnju, otvoreni smo za sve potrebne informacije, savjete, konsultacije, naša web stranica se ažurira i svima dajemo na uvid sve ono što mi radimo i to je naša lična karta, dostupna svima”, dodao je direktor Fuad Mujkić. A u toj ličnoj karti firme stoji da je “Vatrostalac” d.o.o. Tuzla (prije Vatrostalac-inženjering d.o.o.), preduzeće specijalizovano za projektovanje, izgradnju, sanaciju i održavanje industrijskih objekata, dimnjaka, hladnjaka, silosa, tornjeva i toplotehničkih postrojenja, te radove na visinama. “Naši radnici su nekadašnji zaposlenici firme “Vatrostalna Zenica” te smo referentno vezani i za objekte koje je gradila “Vatrostalna”. Od osnivanja Vatrostalac je bio angažovan na mnogim poslovima, od zahvata na postojećim kapitalnim energetske objektima do projektovanja i izgradnje potpuno novih objekata u Bosni i Hercegovini, Hrvatskoj, Srbiji i Makedoniji.

Vatrostalac je član CICIND Međunarodnog udruženja za industrijske dimnjake”, govori direktor Mujkić o firmi na čijem je čelu.

Jedna od djelatnosti je projektovanje i izgradnja industrijskih objekata po sistemu “ključ u ruke” kao i sanacija, rekonstrukcije i održavanje postojećih objekata u svim njihovim segmentima.



Opremljeni su vlastitom opremom za sanacije i rad na visokim objektima i osposobljeni da izvode radove sanacije armirano-betonskih i metalnih dimnjaka savremenim metodama i visokokvalitetnim materijalima, kao i za radove sanacije betonskih i čeličnih objekata u industriji. Radnici tuzlanskog Vatrostalca su obučeni od strane proizvođača “Sika” i imaju certifikate za ugradnju “Sika” proizvoda, i imaju dugogodišnje iskustvo u poslovima izrade ojačanja armiranobetonskih konstrukcija karbonskim lamelama, karbonskim platnima i utezanje čeličnim elementima a izrada ovakvih projekata podrazumijeva pregled konstrukcije, potrebna ispitivanja i statički proračun.

“Vršimo sidrenja u armirano-betonskim i zidanim konstrukcijama mehaničkim i hemijskim sidrima. Izvodimo radove injektiranja u betonskim konstrukcijama mineralnim i epoksidnim materijalima. Injektiranje pukotina, šupljina i prekida kapilarne vlage. Radimo sve vrste dijamantskog bušenja (vrtanja) u betonu i armiranom betonu: ploče i zidovi, temelji i brane. Izrada dubinskih bušotina u betonskim i amiranobetonskim konstrukcijama svih dubina. Radimo bušotine prečnika 12-500mm”, saznali smo od direktora Mujkića detalje vezane za djelatnosti “Vatrostalca”. Ovome treba dodati i usluge hidrodinamičkog čišćenja betonskih i čeličnih konstrukcija. Važno je pomenuti da, u saradnji sa Rudarsko-Geološko-Gravevinskim fakultetom u Tuzli Vatrostalac radi ispitivanja objekata na terenu te laboratorijska ispitivanja, stručni inženjerski tim radi preglede i ispitivanja objekata, izradu projekata sanacije i rekonstrukcije te stručni nadzor nad izvođenjem radova.



Trenutno, radnici firme “Vatrostalac” d.o.o. Tuzla angažovani su na izradi armirano-betonskog dimnjak H=62m. U sklopu izgradnje nove kotlovnice JKP Toplane Sarajevo snage 2x10MW u naselju Alipašin most 1 u fazi izgradnje je armirano-betonski dimnjak visine 62m sa dvije dimovodne cijevi izrađene od kiselootpornog čelika prečnika 900mm. Dimnjak se gradi po sistemu “ključ u ruke”, izrade kompletne projektne dokumentacije objekta i opreme i izvođenje kompletnih radova od strane firme Vatrostalac d.o.o. Tuzla. Radovi su započeli u aprilu, a planiran je završetak u septembru ove godine. Od ostalih radova Vatrostalac je trenutno angažovan na sanaciji armirano-betonskog dimnjaka visine 60 metara u kotlovnici Otoka, takođe za JKP Toplane Sarajevo. Ovaj dimnjak je izgrađen 1972. godine i prethodnom periodu na njemu nisu rađene značajnije popravke. Na kraju ugodnog boravka u firmi “Vatrostalac” d.o.o. Tuzla, pozvali samo direktora da se priključi zajedničkoj sajamskoj postavci koju Komora tradicionalno organizuje na sajmovima u Bosni i Hercegovini i zemljama okruženja a pod nazivom “Privreda TK”. Ne zbog toga da bi nekome predstavljali ovu firmu, za nju se već u širem regionu itekako zna, nego zbog toga da se hvalimo kako je firma “Vatrostalac” d.o.o. Tuzla članica Komore, kako je svijetla tačka privrede Tuzlanskog kantona...



“Ponosni smo na naše partnere i ono što smo postigli zajedno. Instalacije od privredno industrijskog značaja!!!”

“Vatrostalac” d.o.o. Tuzla potpisuje skoro 60 projekata realizovanih u šest zemalja a za ukupno 38 poslovnih partnera. Među njima su JP “Elektroprivreda” BiH, “ArcelorMittal”, “Tracter”, Fabrika cementa Lukavac, “HEP toplinarstvo” doo Osijek, “BH Telekom”, “Tondach” Đakovo, “Kakanj cement” Kakanj, Global Ispat Koksna industrija Lukavac, “JKT Toplota” Užice, TE Tuzla ...

Pripremio: Dino Kalesić



Predstavljamo firme članice Komore...

Ekskluzivni “Dom za starija lica – Hotel Ahmedić”

Ekskluzivni “Dom za starija lica – Hotel Ahmedić” je jedini hotel ovog tipa osposobljen za brigu o starijim i iznemoglim osobama

Posjetili smo našu članicu Ekskluzivni “Dom za starija lica – Hotel Ahmedić”. Jedini je to hotel ovog tipa osposobljen za brigu o starijim i iznemoglim osobama a uvjerali smo se da i s punim pravom u nazivu stoji “Hotel”. I zaista, kao u najluksuznijem hotelu, korisnici uživaju u svemu što pruža ova ustanova u svemu onome što bi vjerovatno, svako od nas poželio uživati u tom periodu života. Pored svakodnevne pažnje i njege koje su na izuzetno visokom nivou i oje su korisnicima usluga posvećene, Ekskluzivni “Dom za starija lica – Hotel Ahmedić” sa svojim ljubaznim i stručnim osobljem, pomože u obavljanju osnovnih životnih potreba, ustanova nudi društvene aktivnosti i medicinsku njegu svojim korisnicima, koja im je prijeko potrebna. Svojem položajem u blizini jezera Modrac, a daleko od gradske buke, korisnicima je zagarantovan ugodan boravak u prirodnom okruženju. Cjelokupan objekat je u potpunosti klimatizovan i pokriven sa 24-satnim video nadzorom.



Smještaj

Dom je opremljen apartmanima s posebnim kupatilima i balkonima, savremenom kuhinjom, restoranom, prostorom za rehabilitaciju, te uređenim vrtom s staklenicima koje korisnici mogu koristiti za uzgoj povrća, voća i drugih biljaka.




Rehabilitacija

Fizikalna terapija pruža usluge ljudima u cilju razvijanja, održavanja i obnavljanja maksimalne funkcionalne pokretljivosti i funkcionalne sposobnosti u svim životnim dobima. Fizioterapija se bavi prepoznavanjem i povećavanjem mogućnosti pokreta unutar područja unapređenja, prevencije, tretmana i rehabilitacije.

Medicinski nadzor

Korisnici doma imaju 24-sati nadzor i medicinsku njegu od strane iskusnog i stručnog osoblja. Ističemo da naša ustanova poseban akcenat stavlja na kvalitet medicinskih usluga (koje su u domenu jedne socijalne ustanove...



Socijalna Zaštita

Socijalna zaštita je društvena djelatnost koja ima za cilj da pruži zaštitu lica u stanju socijalne potrebe. Jedan od segmenata socijalne zaštite je i zaštita starijih lica. Često starije osobe nisu u stanju da same obave poslove vezane za osnovne životne potrebe, a porodica i okruženje nisu u mogućnosti da im pomognu. U ovakvim slučajevima smještaj u dom je idealno rješenje.



Wellness Centar Ahmedić

Otvoreni za građanstvo

U menadžmentu firme Ekskluzivni “Dom za starija lica – Hotel Ahmedić”, nisu zaboravili ni na usluge za svoje redovne posjetioce. Otvoreni su za građanstvo sa zanimljivim sadržajima koji se upravo dopunjuju. Obogaćuje se ponuda Wellness Centra Hotela Ahmedić koji već godinama plijeni ugodnom atmosferom, savremenim sadržajima, profesionalnom uslugom. Za ugodan boravak, opuštanje i uživanje u ponudi a odvojeno od Doma za starija lica, i dalje su na raspolaganju masažni bazen sa jaccuzijem, sjedeći bazen u pećini, finska sauna, fitness, masaže, caffe bar. Gostima je omogućen besplatan bežični pristup internetu. Vrhunska usluga, moderno uređenje te srdačno i susretljivo osoblje neće ostaviti revnodušnim posjetitelje ovog wellness centra. Pozivamo vas da posjetite i ovaj dio objekta, Wellness Centar Hotel Ahmedić, i provedete nezaboravne trenutke u vrhunskom i nesvakidašnjem ambijentu.



Ukoliko se odlučite obezbijediti ugodno starenje za vas ili vaše najbliže, topla preporuka je Ekskluzivni “Dom za starija lica – Hotel Ahmedić”.

Kontakt:

Ekskluzivni “Dom za starija lica – Hotel Ahmedić”
Mosorovac bb 75300, Lukavac
+387 35 543 276;
+387 35 543 277;
+387 61 693 550;
+387 62 356 601
info@hotelahmedic.ba



Novosti...

Fabrika cementa Lukavac sa 3,2 miliona KM neto dobiti

Fabrika cementa Lukavac ostvarila je u prvom polugodištu 2018. godine neto dobit od 3,20 miliona KM, izvještava Indikator.ba. Finansijski rezultat slabiji je nego u istom periodu prošle godine kada je dobit bila 3,58 miliona KM, pokazuje finansijski izvještaj kompanije prosljeđen Sarajevskoj berzi. Fabrika cementa Lukavac ostvarila je poslovne prihode od 27,9 miliona KM, što je slabije nego godinu ranije kada su prihodi iznosili 28,7 miliona KM. Poslovni rashodi ostvareni su u iznosu od 24,2 miliona KM i manji su nego prošlogodišnji kada su bili 25,1 mil KM.

Fabrika cementa Lukavac ima 192 zaposlenika, a u vlasništvu je Asamer Baustoffe AG Austrija. Kompanija posjeduje vlasništvo u društvima CEDIS d.o.o. Zagreb 100% i RK VIJENAC d.o.o. Lukavac - 50 %.



Otvoren novi pogon u Gradačcu, radiće za njemački Magnet – Schultz



Pirić Magneti d.o.o. sa sjedištem u Gradačcu svečano je otvorio novi pogon u Industrijskoj zoni III. Partner firme je firma Magnet - Schultz iz Njemačke koja svoje tržište ima u SAD-u i Kini a novootvoreni pogon radiće za Magnet – Schultz prema najnovijim dostignućima u ovoj branši.

Općinski načelnik Edis Dervišagić u svom obraćanju izrazio je zadovoljstvo otvaranjem još jednog privrednog subjekta koji će doprinijeti razvoju općine Gradačac i novog zapošljavanja. Izrazio je zadovoljstvo što je ova firma iz Njemačke prepoznala Gradačac kao općinu sa povoljnim privrednim okruženjem. Ovom prilikom Općinski načelnik osvrnuo se i na aktivnosti koje se provode na izgradnji ove i drugih industrijskih zona u cilju što većeg privređivanja i investiranja u općinu Gradačac. Aktivnostima Općine Gradačac, na izgradnji i opremanju Industrijskih zona infrastrukturnim objektima, doprinijele su da Općina Gradačac ima preko 9000 zaposlenih kao i da je u vrhu po izvozu u Federaciji Bosne i Hercegovine. U toku je i realizacija najznačajnijeg projekta Vodosnabdijevanja i zaštita okoliša (Rekonstrukcija prečistača sa proširenim kanalizacionim sistemom) čime se obuhvata i područje ove Industrijske zone.

Jukanović: Nadamo se novim linijama s Tuzlanskog aerodroma



Pariz, Milano, Hamburg ili Hannover, prema istraživanjima Međunarodnog aerodroma u Tuzli potencijalno su dobre destinacije za koje bi mogle biti uspostavljene aviolinije iz Tuzle. U proteklim danima u javnosti se pojavila informacija da će upravo za spomenuta odredišta iz Tuzle uskoro biti uspostavljene aviolinije, ali dogovor između Međunarodnog aerodroma u Tuzli i kompanije Wizz Air o ovome nije uspostavljen. "Prema našim istraživanjima to su potencijalno dobre destinacije i nadamo se da ćemo kroz pregovore u budućnosti s našim partnerom doći do eventualnog otvaranja nekih od njih, kao i vraćanje u red letenja nekih ranijih", rekao je Enver Jukanović, izvršni direktor za marketing i razvoj Međunarodnog aerodroma Tuzla. Kada je riječ o stacioniranju trećeg baznog aviona kompanije Wizz Air, do toga zasad neće doći jer, kako je istakao Jukanović, odluka o tome još uvijek nije donesena. Ukoliko bi došlo do realizacije, tuzlanski aerodrom bi u dugoročnom planu mogao ostvariti rezultat od okvirno milion prevezenih putnika na godišnjem nivou. Cilj tuzlanskog aerodroma je da u ovoj godini opsluži 600.000 putnika, a samim tim i obori prošlogodišnji lični rekord.

D.K.



Marko Šantić za klix.ba odgovorio na napade...

Privredna komora FBiH nije odgovorna za neuspjeh proizvodnje smilja

Komora okupila sve proizvođače i prerađivače smilja i predstavnike naučnih institucija i formirala Grupaciju



Već nekoliko godina stanje u proizvodnji i preradi smilja kod nas nije jednostavno. Različita su tumačenja uzroka i posljedice, a nisu rijetki ni disonantni tonovi. U nedavnom tekstu na portalu klix.ba koji govori o aktualnoj smiljarskoj sezoni, na neke tvrdnje profesora Ahmeda Džubura našli su se prozvani u Privrednoj komori Federacije BiH. Marko Šantić, potpredsjednik Komore nam pojašnjava u čemu je razlog.

"Tačno je da se Komora našla prozvanom u tekstu koji je objavio vaš portal, jer se za neuspjeh proizvođača smilja, jednim od sukričica navode se i privredne komore. Prije četiri ili pet godina počela je kampanja promocije ove aromatične kulture u vidu održavanja predavanja i pružanja informacija potencijalnim proizvođačima, da su svjetske potrebe za eteričnim uljem ove biljke nemjerljive i da cijela Hercegovina bude zasađena ovom kulturom, neće biti dovoljno obzirom na potrebe farmaceutske i kozmetičke industrije u svijetu. U sve ovo Privredna komora FBiH nije bila uključena niti ju je pitao neko za savjet. Stoga se ne smatramo odgovornim za neuspjeh bilo koje proizvodnje, te izražavamo žaljenje zbog bilo čijeg neuspjeha i gubitka radnog mjesta pogotovo malog poljoprivrednog proizvođača", kaže Šantić.

U Privrednoj komori Federacije ističu niz svojih aktivnosti koje su podrška proizvođačima smilja, ali i malina.

"Što se tiče rada Komore, sa ovim proizvodnjama smo upoznali sva resorna ministarstva i druge više nivoe šaljući informacije o mogućnosti koje u ovom slučaju Federacija BiH nudi sa svojih polja, kao što smo odrađivali i promociju primarne proizvodnje, ali i gotovih proizvoda na svim sajmovima na kojima je Komora sudjelovala. Organizirani su Info dani smilja, Info dani maline, ali i drugih proizvodnji koje ulaze u naša udruženja/grupacije/asocijacije", kaže sagovornik portala klix.

Šantić navodi i kako je Privredna komora FBiH prije dvije godine jedina Institucija koja je pokušala objediniti sve proizvođače i prerađivače smilja bilo kao pravne ili fizičke osobe preko zajedničkog predstavnika u skladu sa svojim statutom.

"Uvidjevši da je došlo do stihijske proizvodnje i da mnogi od proizvođača kčaju na sva moguća vrata, ali rješenja ni na pomolu. Tada je Komora u skladu sa Statutom komore okupila sve proizvođače i prerađivače smilja, kao

i predstavnike naučnih institucija i formirala Grupaciju čiji su članovi između sebe izabrali rukovodstvo, jer su se oni međusobno najbolje poznavali. Cilj formiranja i okupljanja proizvođača i prerađivača je bio da se njihovi zajednički problemi i potrebe prenesu resornim ministarstvima i drugim institucijama koje mogu pomoći otklanjanju problema u ovoj grani proizvodnje. U užem rukovodstvu Grupacije bili su veći članovi proizvođača i prerađivača, ali i članovi naučnih institucija. Ukoliko su članovi bili nezadovoljni rukovodstvom, očito su sami napravili grešku u odabiru jer se neki od njih nisu pojavljivali nakon prva dva sastanka", kazao je Šantić.

Šantić kaže i kako se u proteklom periodu održavani redovno sastanci na kojima su se javljale različite ideje i postojao je veliki entuzijazam kod proizvođača.



"U tom smislu napravljeni su i akti Grupacije koji sadrže Izjavu o pristupanju članstvu, sažetak iz Zakona o poljoprivrednoj organskoj proizvodnji, kojega se svi članovi i ozbiljni proizvođači moraju pridržavati, kako bi imali kvalitetan i organski ispravan proizvod. Izvještaj o ispitivanju, te opći Ugovor o partnerstvu. Pojavila se i ozbiljna ideja oko formiranja banke eteričnih ulja gdje bi se svako analizirano ulje čuvalo te u skladu sa svojim parametrima imalo i svoju cijenu i kupca. Međutim, poremećajem na tržištu za eteričnim uljem ove kulture rezultiralo je smanjenom otkupnom cijenom smilja, gdje je došlo do velikog razočarenja manjih proizvođača i njihovog odustajanja od ove proizvodnje. Nadamo se da će se ipak tržište eteričnog ulja od smilja stabilizirati i da će ponovo ova proizvodnja zauzeti mjesto koje joj pripada", izjavio je predsjednik Šantić.

Na pitanje, kakve su perspektive pred proizvođačima smilja i malina u našoj zemlji, koliko javne institucije i privredne komore mogu pomoći, odgovorio je:

"Mi kao Institucija nismo mogli niti smo rješavali pojedinačno poslovnu politiku bilo kojeg privrednika niti je to naša zadaća, nego smo radili posredovanje između privrednih subjekata i resornih ministarstava, tražeći za njih drugačiju poticajnu politiku vezanu za kapitalna ulaganja kako za pripremu i uređenje zemljišta, tako i za nabavku i instaliranje destilerija, hladnjača te promocija proizvodnje i proizvoda u smislu "kupujemo domaće", ali i nastupom na sajmovima", kaže na kraju razgovora potpredsjednik Privredne komore Federacije BiH, Marko Šantić.

D.K.



Iz Vanjskotrgovinske komore BiH...

Nakon Austrije i Hrvatske podrška VTK/STK BiH i od Njemačke

Potpredsjednik Vanjskotrgovinske/Spoljnotrgovinske komore Bosne i Hercegovine dr.sc. Vjekoslav Vuković susreo se sa gospodinom Sebastianom Dammom, trgovinskim savjetnikom u Ambasadi Savezne Republike Njemačke sa kojim je ragovarao o temama od značaja za poslovne zajednice dvije zemlje. Sastanak je bio fokusiran na aktuelnu problematiku uvođenja kvota na čelik i aluminijum od strane Evropske unije kao i problem viza za detaširane radnike. Gospodin Damm je u potpunosti podržao apel Komore upućen zemljama članicama Evropske unije kojim se poziva na poštovanje Sporazuma o stabilizaciji i pridruživanju, te izuzimanje – suspenziju Bosne i Hercegovine iz najavljenih kvota. Kako je potpredsjednik Vuković istakao, uvođenje kvota od strane Evropske unije ne samo da prijeti da unazadi razvoj metalne industrije u Bosni i Hercegovini, već će navedeni problem ugroziti i strane kompanije i investitore koji u ovoj oblasti već dugi niz godina uspješno posluju na ovim prostorima. Potpredsjednik je također istakao da problem viza za detaširane radnike mora biti hitno riješen obzirom da će se nerješavanjem istog ugroziti realizacija već ugovorenih poslovnih projekata i poslovanje bh. kompanija u Saveznoj Republici Njemačkoj uopšte. Na kraju sastanka je zaključeno da je neophodno redovno i blagovremeno preduzimati sve neophodne aktivnosti kako bi se gore navedeni problemi što prije riješili slijedom čega je za narednu sedmicu zakazan novi sastanak.



Održana Konstituirajuća sjednica Skupštine Grupacije proizvođača bezalkoholnih pića i voda BiH

Krajem juna 2018. godine, u prostorijama Vanjskotrgovinske komore Bosne i Hercegovine održana je Konstituirajuća sjednica Skupštine Grupacije proizvođača bezalkoholnih pića i voda BiH. Sjednici su prisustvovali respektabilne kompanije sa teritorije cijele teritorije Bosne i Hercegovine čija je osnovna djelatnost proizvodnja bezalkoholnih pića i vode. Obzirom da je ovogodišnja Skupština Grupacije Izborna, konstituisan je Odbor Grupacije koji će operativno djelovati naredne četiri godine. Odbor Grupacije u narednom periodu će sačinjavati sljedećih 7 kompanija: VITINKA AD, Kozluk, COCA COLA HB, Hadžići, SARAJEVSKI KISELJAK, Kiseljak VITAMINKA AD, Banja Luka, STANIĆ BEVERAGES DOO, Kreševo, BONY, Tuzla, BOSNAPLOD, Brčko. Osim izbora članova Odbora Grupacije, usvojen je Izvještaj o radu Grupacije iz proteklog mandata, akti o radu Grupacije, te Smjernice rada Grupacije za narednu godinu. Predstavljena je i analiza vanjskotrgovinska razmjene iz sektora proizvodnje bezalkoholnih pića i voda za period 2015-2017. godine. Gosti Skupštine, učesnici projekta MarketMakers, podržan od strane Švicarke Vlade, predstavili su prisutnima izvještaj „Identifikacija potencijala za razvoj novih proizvoda“, koji je izrađen specijalno za bezalkoholna pića, te su ukazali na mogućnosti razvoja novih proizvoda u Bosni i Hercegovini.



Gradimo mostove uspješne suradnje



U prostorijama Uprave za neizravno oporezivanje Bosne i Hercegovine održan je sastanak delegacija Vanjskotrgovinske komore BiH predvođene dopredsjednikom dr.sc. Vjekoslavom Vukovićem i delegacije Uprave na čelu sa direktorom Mirom Džakulom. Na sastanku je razgovarano o brojnim pitanjima od značaja za kreiranje povoljnijeg poslovnog ambijenta i mogućim zajedničkim aktivnostima dvije institucije kojima će se gospodarstvenicima u Bosni i Hercegovini omogućiti lakše, brže i efikasnije poslovanje. Zajednički stav dopredsjednika Vukovića i direktora Džakule je da se dosadašnja međusobna suradnja Komore i Uprave mora podići na veću razinu. S tim u vezi dogovoreno je potpisivanje sporazuma o suradnji kojim će se, između ostalog, definirati timovi koje će činiti zaposlenici dvije institucije, a čiji će zadatak biti kvalitetnije analiziranje i obrazlaganje zahtjeva i zamolbi gospodarstvenika prema Upravi za neizravno oporezivanje. Prigodnim poklonom, novoimenovani dopredsjednik Komore Vjekoslav Vuković simbolično je ukazao na čvrsto opredjeljenje Komore da gradi mostove uspješne suradnje, te zajedno sa svim relevantnim institucijama u Bosni i Hercegovini teži ostvarenju zajedničkog cilja, odnosno jačanju ekonomije i unapređenju imidža Bosne i Hercegovine.

D.K.



Vijesti iz Bosne i Hercegovine...

Nakon 27 godina krenuo voz na relaciji Sarajevo - Bihać



Željeznice Federacije BiH uspostavile su liniju Sarajevo – Bihać – Sarajevo, a putnike će na ovoj relaciji prevoziti savremeni talgo vozovi, prenosi portal Sarajevo-construction. Karta u jednom smjeru košta 36,70 KM, povratna 59,10 KM, a popuste će, kao što je to i dosad bio slučaj, imati studenti, penzioneri, djeca, novinari, ratni invalidi... Vožnja u jednom pravcu od Sarajeva do Bihaća, ili u povratku od Bihaća do Sarajeva, trebala bi trajati osam i po sati. Na ovoj liniji vozovi sa Talgo garniturama će imati i kabine za spavanje. Prema planiranom redu vožnje, voz će kretati iz Sarajeva za Bihać u 16.00 sati, a u Bihać će stizati u 00.28 sati. Iz Bihaća za Sarajevo, voz će kretati u 01.57 a u Sarajevo će stizati u 10.28 sati. Direktor Željeznica Federacije BiH Enis Džafić je na pres-konferenciji na željezničkoj stanici Sarajevo, prije promotivne vožnje voza prema Bihaću, kazao da su puštanju u promet tog voza predhodili radovi na elektrifikaciji dijela Unske pruge, te da je finasiranje tog projekta potpomogla Vlada Federacije BiH u vrijednosti 2,3 miliona KM. Ukupna investicija je koštala 2,8 miliona KM, tako da su ŽFBiH iz izdvojile 500.000 KM vlastitog novca.

Prevent BH d.o.o. mijenja ime u Prevent Central

Krajem juna 2018. godine, u prostorijama Vanjskotrgovinske komore Bosne i Hercegovine održana je Konstituirajuća sjednica Skupštine Grupacije proizvođača bezalkoholnih pića i voda BiH. Sjednici su prisustvovali respektabilne kompanije sa teritorije cijele teritorije Bosne i Hercegovine čija je osnovna djelatnost proizvodnja bezalkoholnih pića i vode. Obzirom da je ovogodišnja Skupština Grupacije Izborna, konstituisan je Odbor Grupacije koji će operativno djelovati naredne četiri godine. Odbor Grupacije u narednom periodu će sačinjavati sljedećih 7 kompanija: VITINKA AD, Kozluk, COCA COLA HB, Hadžići, SARAJEVSKI KISELJAK, Kiseljak VITAMINKA AD, Banja Luka, STANIĆ BEVERAGES DOO, Kreševo, BONY, Tuzla, BOSNAPLOD, Brčko. Osim izbora članova Odbora Grupacije, usvojen je Izvještaj o radu Grupacije iz proteklog mandata, akti o radu Grupacije, te Smjernice rada Grupacije za narednu godinu. Predstavljena je i analiza vanjskotrgovinska razmjene iz sektora proizvodnje bezalkoholnih pića i voda za period 2015-2017. godine. Gosti Skupštine, učesnici projekta MarketMakers, podržan od strane Švicarke Vlade, predstavili su prisutnima izvještaj „Identifikacija potencijala za razvoj novih proizvoda“, koji je izrađen specijalno za bezalkoholna pića, te su ukazali na mogućnosti razvoja novih proizvoda u Bosni i Hercegovini.



Akta - Analiza: Do firme u BiH za 65 dana, uz 12 procedura

BiH se po ukupnom indeksu Svjetske banke i "Doing Business 2018", kao i prošle godine nalazi na 86. mjestu.

BIH	SRBIJA	HRVATSKA	MAKEDONIJA
ZA REGISTRACIJU FIRME 12 procedura	ZA REGISTRACIJU FIRME 5 procedura	ZA REGISTRACIJU FIRME 8 procedura	ZA REGISTRACIJU FIRME 4 procedura
VIŠE VRIJEME 95 dana	VIŠE VRIJEME 5,5 dana	VIŠE VRIJEME 22,5 dana	VIŠE VRIJEME 7 dana
TROŠKOVI 7,7%	TROŠKOVI 2,2%	TROŠKOVI 7,2%	TROŠKOVI 0,1%

Od ukupno 190 zemalja, BiH je najbolje plasirana kada je riječ o procesu početka biznisa i nalazi se na 175. mjestu.

Po izvještaju Doing Business najlakše je pokrenuti firmu na Novom Zelandu, tako da sve završite za pola dana, a troškovi per kapitala od dohodka iznose 0,3 posto. U zemljama regije BiH je najlošija, te se prema mišljenju ekonomskih analitičara nalazi u jednom destimulativnom ambijentu. Makedonija je daleko otišla, tako da je pokretanje firme svela na četiri procedure i troškova 0 eura. Srbija je bolja u odnosu na BiH i Hrvatsku, te za pokretanje firme treba 5,5 dana.

D.K.



Iz BH Pošte...

Novi sistem za pošiljke u uvozu s robom



S ciljem usklađivanja važećih propisa i povećanja kvaliteta u prijenosu pismonosnih pošiljki, "Javno preduzeće BH POŠTA" d.o.o. Sarajevo od 1. jula sve obične pismonosne pošiljke u uvozu koje sadrže robu, a koje ne podliježu carinskom pregledu, tretira kao pošiljke sa registrovanim brojem. To znači da će takve pošiljke u toku prijenosa do primaoca biti obilježene "R" barcodom. "U skladu s time, BH Pošta će od 1. jula 2018. godine, prilikom dostave ili isporuke, od primaoca pismonosnih pošiljki iz inostranstva koje sadrže robu, a ne podliježu carinskom pregledu, naplaćivati naknadu od 1,80 KM, uz izdavanje Priznanice o naplati iste na zahtjev korisnika. Visina ove naknade u skladu je sa važećim Cjenovnikom poštanskih usluga "JP BH POŠTA" d.o.o. Sarajevo koliko iznosi i poštarina za preporučeno rukovanje pošiljkom u unutrašnjem poštanskom prometu", saopćeno je iz BH Pošte. Dodaju da u nemogućnosti kvalitetnog rješavanja povećanog broja upita i reklamacija vezanih za status ovakvih pošiljki koje se ne evidentiraju u sistemu praćenja, "JP BH POŠTA" d.o.o. Sarajevo će od 1. jula ove godine vršiti njihovu evidenciju stavljanjem barcoda pomoću kojeg se pošiljka prati od prispjeća u IP 71003 Sarajevo do uručjenja primaocu na dostavnom području BH Pošte, a iste se u postupku prijenosa i uručjenja tretiraju kao preporučene pismonosne pošiljke. "Praćenjem pošiljki na ovakav način "JP BH POŠTA" d.o.o. Sarajevo će kvalitet usluga, koje pruža svojim korisnicima, podići na još veći nivo kontrole i sigurnosti dostave, što je primarni cilj i korisnicima i BH Pošti. Još jednom napominjemo da će se naplata naknade od 1,80 KM od primaoca vršiti isključivo za obične pismonosne pošiljke sa robom koje su oslobođene carinskog pregleda, a neće se naplaćivati za pošiljke koje dolaze pojedinačno evidentirane i koje ne sadrže robu", saopćeno je.

IPI akademija potpisala još jedan međunarodni sporazum



Visoka škola za savremeno poslovanje, informacione tehnologije i tržišne komunikacije "Internacionalna poslovno-informaciona akademija" potpisala je još jedan međunarodni sporazum. Posljednjih dana juna ove godine, u Novom Pazaru je potpisan Sporazum o saradnji sa Internacionalnim univerzitetom iz Novog Pazara. Odredbama sporazuma, predviđeno je da se u oblasti nastavnog rada pruži podrška mobilnosti nastavnog osoblja i studenata, osigura razmjena literature, didaktičkih materijala i sl. Predviđen je i zajednički nastup u naučno-istraživačkom i stručnom radu, čime se otvaraju mogućnosti korištenja različitih finansijskih izvora raspoloživih u Bosni i Hercegovini, Srbiji, EU i sl. Sporazum će također doprinijeti zajedničkom radu na edukaciji, unapređenju znanja i

stručnosti, poticanju i jačanju saradnje, obostranoj razmjeni informacija iz naučnog i istraživačkog rada, poticanju institucionalne razmjene i suradnje nastavnog osoblja i studenata kroz pozivanje na sudjelovanje u raznim nastavnim i istraživačkim aktivnostima te profesionalnom razvoju što će pak doprinijeti razvoju visokog obrazovanja u regiji.

D.K.



Sajmovi u septembru...

Bihać: 16. „Ekobis“ od 13. do 15. septembra



Privredna komora USK organizira 16. Međunarodni sajam ekologije – EKOBIS 2018, koji će se održati u Bihaću od 13. do 15.9.2018. godine. Više od desetljeća MEĐUNARODNI SAJAM EKOLOGIJE- EKOBIS je najpoznatija i najposjećenija privredna i ekološka manifestacija u široj regiji. Ovaj status EKOBIS održava kreiranjem pozitivnog poslovnog ambijenta, kroz visoke usluge poslovnog umrežavanja izlagača i posjetitelja, ali i organizacijom svih drugih sadržaja i poslovnih događanja prilagođenih potrebama i željama izlagača. U proteklih 15

godina na ovom sajmu se predstavilo više od 3000 izlagača iz 18 zemalja, a sajam je posjetilo preko 200 000 posjetitelja. Ovim brojkama svakako treba dodati i preko 500 uspješno realiziranih pratećih sadržaja. Osim toga, sva sajamska događanja prate najznačajnije medijske kuće u regiji. Sve ovo su dobri argumenti da Vas pozovemo da na vrijeme rezervirate Vaš izložbeni prostor, ali i da prijavite aktivnosti vezane za prateće sadržaje (promocije, prezentacije, degustacije, okrugle stolove i ostale sadržaje). Sajam će se održati na sajmištu Luke u Bihaću u terminu 13-15.9.2018. godine. Prijava, letak i opširnije o sajmu na ekobis.info.

PKUSK

Budva: 40. sajam građevinarstva, 19-23.9.



Zadovoljstvo nam je da najavimo i da Vas pozovemo na JUBILARNI 40. SAJAM GRAĐEVINARSTVA koji će se od 19. do 23. septembra 2018, održat na Jadranskom sajmu u Budvi u jubilarnoj godini gdje Jadranski sajam slavi 50. godina postojanja. Međunarodna poslovna manifestacija je najznačajniji privredni događaj u grani građevinarstva na našem tržištu, što opravdava i jubilarnih 40. godina postojanja. Poslovni efekt koje pruža sajam, prepoznat su kao mogućnost izlagačima iz regiona i šire za ulazak na tržište Crne Gore

i uspostavljanje privredne saradnje i direktan pristup ključnim kupcima. Sajamska platforma je prilika za komercijalizaciju proizvodnih dostignuća i inovativnih rješenja iz svih oblasti građevinske djelatnosti: visokogradnje, niskogradnje, izgradnje i održavanje objekata, okova i bravarije, sanitarne galanterije, inženjeringa i projektovanja, i kroz integrisani pristup nude cjelovita rješenja enterijera i eksterijera za objekte različitih namjena. Sajam građevinarstva u programskom djelu okuplja stručnu javnost, afirmiše održivi razvoj, podržava kvalitetne projekte i aktivnost od značaja za širu zajednicu. Mjesto je susreta struke i nauke, gdje i na taj način učesnicima nudimo mogućnost za snažnije povezivanje sa domaćim i ino - partnerima u poslovnom ambijentu. Međunarodni karakter Sajma potvrđuje kako prisustvo vodećih brendova, tako i organizovani nastupi Regionalnih i Državnih Privrednih Komora, asocijacija i agencija. Imajući u vidu značajne infrastrukturne projekte, modernizaciju i uvećanje industrijskih kapaciteta širom regiona, u istom terminu ponudu će prikazati i izlagači specijalizovanih Sajmova energetike, i Vode, vodovodi i sanitarne tehnologije. Jadranski sajam u Vašem interesu obezbjeđuje dodatnu podršku, u vidu značajnih popusta za blagovremeno prijavljivanje. Pozivamo Vas da ih iskoristite i ostvarite uspješne poslovne rezultate na jubilarnom 40. Sajmu građevinarstva. Tel: 00382 33 410 405, mail: marketing@jadranskisajam.co.me. Prijava na www.kpktz.ba.

Jadranski sajam

Zaječar: 7. sajam "Zdravo-domaće-prirodno", 27-29.9.



U Zaječaru će biti održan 7. međunarodni sajam tradicionalnih domaćih proizvoda pod nazivom "Zdravo-domaće-prirodno". Grad Zaječar i Privredna komora Srbija - Regionalna privredna komora Zaječar, organizatori su sajma koji će biti održan od 27. do 29. septembra 2018. godine. U okviru sajma, biće održani i 4. sajam finansiranja te 3. sajam turizma. Kantonalna privredna komora Tuzla tradicionalno organizuje nastup firmi članica Komore na ovoj sajamskoj manifestaciji. Pozivamo sve zainteresovane firme za nastup na sajmu u Zaječaru a u okviru zajedničke sajamske postavke "Privreda TK" da se jave u Komoru ili potvrde zainteresovanost na komora@kpktz.ba.

D.K.



Privredna kretanja u Tuzlanskom kantonu I-V 2018

U periodu januar-maj 2018. godine došlo je do pada obima industrijske proizvodnje od 2,5% u odnosu na isti period 2017.godine. Ostvaren je rast intermedijarnih proizvoda od 7%, kapitalnih proizvoda 3,3% i netrajnih proizvoda za široku potrošnju 11,5%, dok je došlo do pada obima proizvodnje trajnih proizvoda za široku potrošnju 3,5%, i proizvodnji energije od 11,7%.




Zaposleni i nezaposleni u 2018.godini

Ukupno je izvezeno proizvoda u vrijednosti od 701.852.000 KM što je u odnosu na isti period 2017. godine rast od 14,4%. U isto vrijeme je došlo do rasta uvoza od 12,5% te je uvezeno roba u vrijednosti od 790.356.000 KM. Pokrivenost uvoza izvozom je 88,8%, a vanjskotrgovinski deficit je 88.504.000 KM. Najznačajniji vanjskotrgovinski partneri Tuzlanskog kantona su Njemačka, Slovenija, Italija, Hrvatska i Austrija.

Izvoz	(KM)
Hrana i piće	16.861.000
Industrijski materijali	233.049.000
Goriva i maziva	129.818.000
Kapitalni proizvodi	85.113.000
Transportna sredstva i dijelovi	64.607.000
Proizvodi za široku potrošnju	172.404.000
UKUPNO	701.852.000




Uvoz	(KM)
Hrana i piće	67.303.000
Industrijski materijali	331.259.000
Goriva i maziva	124.364.000
Kapitalni proizvodi	116.254.000
Transportna sredstva i dijelovi	48.423.000
Proizvodi za široku potrošnju	102.753.000
UKUPNO	790.356.000



Prema podacima Porezne uprave Federacije BiH, u maju 2018. godine u Tuzlanskom kantonu je bilo zaposleno ukupno 99.751 osoba. Prema podacima Federalnog zavoda za zapošljavanje, u istom mjesecu je registrovano 80.248 nezaposlenih osoba. Stručne osobe učestvuju sa 53.751 ili 66,73%, a nestručne sa 26.699 ili 33,27%. Od ukupnog broja nezaposlenih, njih 35.403 osobe (44,1%) prvi put traži zaposlenje.

	Zaposleni	Nezaposleni
I 2018	97.876	84.450
II 2018	98.280	83.828
III 2018	98.735	82.537
IV 2018	98.774	81.479
V 2018	99.751	80.248



Zaposleni i nezaposleni u 2018.godini



	Zaposlenost (V 2018)	Nezaposlenost (V 2018)	Prosječna plaća (KM) (V 2018)
UKUPNO	99751	80.248	806
Banovići	5.583	4.748	924
Čelić	1.159	2.404	678
Doboj-Istok	2.512	1.924	572
Gračanica	10.885	7.473	636
Gradačac	9.150	6.193	650
Kalesija	5.577	7.208	683
Kladanj	2.257	2.347	718
Lukavac	10.325	8.507	825
Sapna	747	2.150	882
Srebrenik	7.693	7.591	699
Teočak	705	1.369	822
Tuzla	31.382	16.902	929
Živinice	11.776	11.432	787


Zaposleni i nezaposleni u općinama TK

Prosječna neto plata u Tuzlanskom kantonu u maju je iznosila 806,00 KM što je ispod prosjeka Federacije BiH. U odnosu na kantonalni prosjek iz 2017. godine, neto plaća je veća za 5,1%. Najviše prosječne neto plate u Tuzlanskom kantonu su u sektoru proizvodnje i opskrbe el.energijom, dok su najniže prosječne neto plate u građevinarstvu.

Djelatnost	Tuzlanski kanton	
	Neto plaća	Bruto plaća
A Poljoprivreda, šumarstvo i ribolov	767	1.155
B Vađenje ruda i kamena	1.004	1.533
C Prerađivačka industrija	623	930
D Proizvodnja i snabdjevanje el.en., plinom	1.647	2.572
E Snabdjevanje vodom i uklanjanje otpadnih voda	874	1.330
F Građevinarstvo	517	771
G Trgovina na veliko i malo	558	840
H Prevoz, skladištenje i komunikacije	706	1.070
I Hotelijerstvo i ugostiteljstvo	554	834
J Informacije i komunikacije	1.148	1.786
K Finansijske djelatnosti	1.216	1.897
L Poslovanje nekretninama	571	871
M Stručne, naučne i tehničke djelatnosti	976	1.510
N Administrativne i pomoćne uslužne djelatnosti	557	845
O Javna uprava i odbrana	1.176	1.814
P Obrazovanje	829	1.276
Q Zdravstvena socijalna zaštita	1.169	1.815
R Umjetnost, zabava i rekreacija	651	991
S Ostale uslužne djelatnosti	876	1.337



THE CHAMBER OF ECONOMY OF TUZLA CANTON



TUZLA CANTON

Your Business Partner

